

ՉՐՆՅՈՒՐՆԲԵՐԳ

Ալիևը Բաքվի դատավարությունը համեմատել է Նյուրնբերգի հետ և սխալվել բոլոր կետերում:

2026 թվականի փետրվարին, Մյունխենի անվտանգության համաժողովի ժամանակ, Ադրբեջանի նախագահ Իլհամ Ալիևը France 24-ին տված հարցազրույցում արել է հետևյալ հայտարարությունը.

«Այս մարդիկ մարդկության դեմ լուրջ հանցագործություններ են կատարել: Պատկերացրեք Երկրորդ համաշխարհային պատերազմից և Նյուրնբերգյան դատավարություններից ու նացիստ առաջնորդների նկատմամբ մահապատժի դատավճիռներից երկու ամիս անց ոմանք ասեին՝ ինդրում ենք նրանց ազատ արձակեք»:

Հարցազրույց վարողի հարցին, թե արդյոք համեմատությունը տեղին է, Ալիևը պատասխանել է. *«Այո՛, անկասկած: Այն նույնիսկ ավելի վատ է, նույնիսկ ավելի վատ: Նրանց հանցագործությունները նույնիսկ ավելի վատն էին, քան նացիստների արածները Երկրորդ համաշխարհային պատերազմի ժամանակ»:*

Երբ քաղաքական գործիչը հղում է անում պատմական մեծ նախադեպի, նա ինքնաբերաբար իրեն համեմատում է այդ նախադեպը ստեղծողների հետ: Ալիևը դա հաշվի չի առել: Այս հայտարարությունը հնչում է որպես ինքն իրեն ուղղված հաճոյախոսություն, սակայն ավելի ուշադիր լսելու դեպքում պարզվում է, որ դա մտավոր թակարդ է:

Նյուրնբերգի հիշատակումը մեծ նախադեպի միջոցով օրինականացման դասական հնարք է: Հաշվարկը պարզ է. լսարանը չի ստուգի մանրամասները: Ադրբեջանի ներքին լսարանի համար այն անխափան աշխատում է: Սակայն միջազգային ասպարեզում՝ Մյունխենում, դա ռիսկային քայլ է, հենց այն պատճառով, որ այդ սենյակում գտնվող մարդիկ գիտեն իրենց պատմությունը:

Նյուրնբերգը պատմության մեջ այն քիչ դատավարություններից է, որն ունի հստակ, ստուգելի չափանիշներ: Հենց դա է համեմատությունը դարձնում է այդքան հարմար քաղաքական գործիք, բայց միաժամանակ՝ նաև այդքան վտանգավոր: Բացե՛ք միջազգային իրավունքի ցանկացած դասագիրք, և համեմատությունը կսկսի աշխատել համեմատողի դեմ:

Ստորև ներկայացված են ութ չափանիշներ. երկու դատավարությունները չեն համընկնում նույնիսկ մեկ չափանիշով:

1. ԹԱՓԱՆՑԻԿՈՒԹՅՈՒՆ. Նյութերերգ – այո, Բաքու – ոչ

Նյութերերգյան դատավարությունները (1945–1946թթ.) բաց էին ամբողջ աշխարհի համար: Դատարանի դահլիճում ներկա էին հարյուրավոր լրագրողներ, դիվանագետներ և միջազգային դիտորդներ՝ աշխարհի տարբեր ծայրերից: Դատավարության արձանագրությունները հրապարակվում էին ամեն օր: Դաշնակից տերությունները գործընթացը դարձրին հնարավորին չափ թափանցիկ: Դա արեցին միտումնավոր, որպեսզի այն դառնա պատմական նախադեպ:

Բաքվի ռազմական դատարանը պաշտոնապես հայտարարեց, թե դատավարությունները «բաց են հանրության համար»: Գործնականում միջազգային լրատվամիջոցներին, օտարերկրյա դեսպանատների ներկայացուցիչներին, անկախ ՀԿ-ների դիտորդներին թույլ չտվեցին մասնակցել լսումներին: Լսումներին թույլատրվեց ներկա լինել միայն կառավարության հաստատած ցուցակով անձանց՝ տեղական, իշխանամետ լրատվամիջոցների մեկ-երկու ներկայացուցիչների: Մեղադրական եզրակացությունների և ապացույցների զգալի մասը դասակարգվեց իբրև պետական գաղտնիք: Ադրբեջանի պետական լրատվամիջոցները հրապարակեցին լսումների տեսագրություններ՝ թափանցիկության լիակատար բացակայության պայմաններում՝ ստեղծելով թափանցիկության տպավորություն:

«Լրագրողներ առանց սահմանների» կազմակերպության 2025 թվականի Մամուլի ազատության համաաշխարհային ինդեքսի համաձայն Ադրբեջանը 180 երկրների շարքում զբաղեցնում է 167-րդ տեղը: Կազմակերպությունն Ալիևին նույն թվականին անվանել է «մամուլի ազատության գիշատիչ»:

Նյութերերգը պետք է ամբողջ աշխարհին ցույց տար արդարությունը: Բաքուն՝ դրա նմանակումը:

2. ՄԻՋԱԶԳԱՅԻՆ ԲՆՈՒՅԹ. Տրիբունալն ընդդեմ Ազգային ռազմական դատարանի

Նյութերերգյան տրիբունալը Միջազգային ռազմական տրիբունալ էր: Դրա դատավորները ներկայացնում էին չորս տերություններ՝ ԽՍՀՄ, ԱՄՆ, Մեծ Բրիտանիա և Ֆրանսիա: Նրանցից ոչ մեկը որևէ ամբաստանյալի դեմ գործի անմիջական կողմ չէր: Հենց այս միջազգային կազմն էր Նյութերերգին տվել լեգիտիմություն. դատավճիռը կայացվել էր ոչ թե երկկողմ հակամարտության մեջ հակառակորդի, այլ միջազգային հանրության կողմից՝ ամբողջ մարդկության անունից:

Բաքվի դատավարությունը տեղի է ունեցել Ադրբեջանի ազգային ռազմական դատարանում՝ այն պետության դատարանում, որը հակամարտության անմիջական կողմ է: Դատավորները եղել են Ադրբեջանի քաղաքացիներ, որոնք նշանակվել են մեղադրող երկրի պետական ապարատի կողմից:

Նույնիսկ աշխարհագրությունն է խոսում: Չորս տերություններից ոչ մեկը դատավարությունը չի տեղափոխել իր մայրաքաղաք: Նյուրնբերգը գերմանական քաղաք է՝ նացիստական գաղափարախոսության պատմական խորհրդանիշը և նացիոնալ-սոցիալիստական կուսակցական հանրահավաքների վայրը: Տեղի ընտրությունը կրում էր հետևյալ ուղերձը. արդարությունը չի պատկանում հաղթողներին, այն պատկանում է պատմությանը: Բաքվում այդ սկզբունքը հակառակն էր. հակամարտության կողմ պետությունը դատում էր մյուս կողմին իր տանը, իր սեփական դատարանում, իր սեփական օրենքներով, իր սեփական դատավորներով:

Նյուրնբերգում միջազգային հանրությունը դատեց հանցագործներին: Բաքվում՝ հակամարտության կողմերից մեկը դատեց մյուսին:

3. ՈՎՔԵՐ ԵՒՆ ԱՄԲԱՍՏԱՆՅԱԼՆԵՐԸ

Նյուրնբերգը մեղադրական դատավճիռ կայացրեց Հերման Գյորինգի, Ռուդոլֆ Հեսի, Յոախիմ ֆոն Ռիբենտրոպի և Վիլիելմ Կեյտելի դեմ՝ մարդկանց, ովքեր կազմակերպել էին Հոլոքոստը, սանձազերծել Երկրորդ համաշխարհային պատերազմը և ստորագրել զանգվածային ոչնչացման հրամաններ: Նրանց մեղքը փաստաթղթավորված էր նրանց սեփական հրամանների, Երրորդ Ռեյխի արխիվների և վերապրածների վկայությունների հազարավոր էջերով:

Բաքվի դատավարության ամբաստանյալների թվում է Ռուբեն Վարդանյանը: Մարդ, որը.

- ավելի քան **1.5 միլիարդ դոլար** է ուղղորդել ամբողջ աշխարհում մարդասիրական նախագծերի.
- հիմնադրել է «Ավրորա» **մարդասիրական նախաձեռնությունը**՝ ծրագիր, որն ամբողջ աշխարհում իրականացրել է հարյուրավոր նախագծեր և օգնություն է տրամադրել ավելի քան 3 միլիոն մարդու: Հարկ է նշել, որ մեղադրական եզրակացությունն ինքնին «Ավրորա» նախաձեռնությունը բնութագրում է որպես «ահաբեկչությունը ֆինանսավորող» կառույց: Տարեկան մրցանակի ընտրող հանձնաժողովում ընդգրկված են Նոբելյան մրցանակակիրներ, ազգային խորհրդարանների անդամներ, պետությունների նախկին ղեկավարներ և միջազգային

հեղինակություն ունեցող մարդու իրավունքների առաջատար պաշտպաններ: 2025 թվականի մրցանակակիրը սուդանցի բժիշկ է, որը կյանքեր է փրկում զինված հակամարտության գոտիներում: Եթե սա համարվում է ահաբեկչության ֆինանսավորում, ապա ի՞նչն է համարվում մարդասիրական գործունեություն:

- հիմնադրել է Դիլիջանի միջազգային դպրոցը, որի շրջանավարտները ներկայացնում են 121 երկիր, որոնցից շատերն ակտիվ հակամարտության մեջ են միմյանց դեմ:
- հիմնադրել է Մոսկվայի «ՄԿՈԼԿՈՎՈ» կառավարման դպրոցը՝ ներդրելով ավելի քան 600 միլիոն դոլար.
- վերականգնել է հայկական եկեղեցիները, Աթոս լեռան վրա գտնվող ռուսական վանք և Շուշիի Գոհար տիկնոջ Վերին մզկիթը.
- երբեք չի եղել որևէ զորամասի հրամանատար և երբեք չի զբաղեցրել զինվորական որևէ պաշտոն:

Ուշագրավ փաստ դատավարությունից. մեղադրական կողմի որևէ վկա չի հայտարարել, որ անձամբ ճանաչում է Վարդանյանին կամ երբևէ շփվել է նրա հետ: Նրանք բոլորը նրա մասին գիտեին բացառապես «լրատվամիջոցներից և սոցիալական ցանցերից»:

Նացիստ պարագլուխները ոչնչացրել են մշակութային ու մարդկային ժառանգությունը: Վարդանյանը՝ վերականգնել է այն:

4. ՄԵՂԱՎՈՐ՝ ԴԱՏԱՎՃՌԻՑ ԱՌԱՋ

Նյուրնբերգում պահպանվել է անմեղության կանխավարկածը. ամբաստանյալները պաշտոնապես համարվել են անմեղ մինչև դատավճռի օրինական ուժի մեջ մտնելը: 24 ամբաստանյալներից երեքն արդարացվել են:

Վարդանյանի և մյուս հայ կալանավորների դեպքում նախագահ Ալիևը հրապարակավ նրանց անվանել է «հանցագործներ» առաջին լսումից դեռ շատ առաջ: Ադրբեջանի պետական լրատվամիջոցները նախաքննության ամբողջ ընթացքում համակարգված ձևով քարոզչական արշավ են իրականացրել մեղադրյալների դեմ: Միջազգային քրեական դատարանի նախկին գլխավոր դատախազ Լուիս Մորենո Օկամպոն իր իրավական կարծիքում դատավարությունը

բնութագրել է որպես «քաղաքական հետապնդում, որի նպատակն է ապալեգիտիմացնել Լեռնային Ղարաբաղի պատմական, քաղաքական և մշակութային ամբողջ ժառանգությունը»:

Նյութերը փնտրում էր մեղքի ապացույցներ: Բաքուն մեղքը դիտարկում էր իբրև փաստ:

5. ՊԱՇՏՊԱՆՈՒԹՅԱՆ ԻՐԱՎՈՒՆՔ

Նյութերը գումար և յուրաքանչյուր ամբաստանյալ ունեի փաստաբան, որին ինքն էր ընտրել, ուներ լիարժեք հասանելիություն գործի նյութերին և ուներ դատարան վկաներ կանչելու ու խաչաձև հարցաքննություն անցկացնելու իրավունք:

Հայ կալանավորները ստացել են իրենց մեղադրական եզրակացություններն առաջին լսումներից ընդամենը մի քանի օր առաջ: Ռուբեն Վարդանյանն իր՝ ռուսերեն թերի, թարգմանչական լուրջ սխալներով լի մեղադրական եզրակացությունը ստացել է դատավարության մեկնարկից հինգ աշխատանքային օր առաջ: Գործի նյութերը 422 հատոր են: Նրա միջազգային փաստաբանին չեն տվել Ադրբեյջան մուտք գործելու թույլտվություն: Անկախ վկաներ՝ ԵԱՀԿ Մինսկի խմբի, Կարմիր Խաչի միջազգային կոմիտեի և Ռուսաստանի խաղաղապահ զորակազմի հրամանատարության ներկայացուցիչներին դատարան կանչելու բոլոր միջնորդությունները դատարանը մերժել է: Պաշտպանություն իրականացնելու համար անհրաժեշտ նյութերին հասանելիություն ունենալ ևս թույլ չի տրվել:

Նյութերը գումար պաշտպանությունն իրական էր: Բաքվում դրա նմանակումն էր:

6. ՔԱՂԱՔԱԿԱՆ ՀԱԿԱՍՈՒԹՅՈՒՆ. 30 տարի նույն սեղանի շուրջ, ապա՝ ամբաստանյալի աթոռին

1994 թվականին Ադրբեյջանը Բիշքեկի հրադադարի արձանագրությունը ստորագրել է Հայաստանի և Լեռնային Ղարաբաղի Հանրապետության հետ՝ այդպիսով ճանաչելով Լեռնային Ղարաբաղը որպես հակամարտության պաշտոնական կողմ: Գրեթե 30 տարի Ղարաբաղի քաղաքական կարգավիճակը բանակցությունների առարկա էր ԵԱՀԿ Մինսկի խմբի շրջանակներում՝ ԱՄՆ-ի, Ռուսաստանի և Ֆրանսիայի համանախագահությամբ: Հենց այդ սուբյեկտի գոյությունն ինքնին եղել է միջազգային դիվանագիտական գործընթացի առարկա:

Այսօր Բաքուն պաշտոնապես Լեռնային Ղարաբաղի Հանրապետությունը բնութագրում է որպես «հանցավոր կազմակերպություն»: Ավելին, մեղադրանքները չեն քրեականացնում բռնության կոնկրետ ակտերը՝ դրանք քրեականացնում են հենց Լեռնային Ղարաբաղի Հանրապետությունում քաղաքական գործառույթներ կատարելու գործողությունը՝ պաշտոն զբաղեցնելը, կառավարմանը մասնակցելը, որոշումներ կայացնելը:

Եթե Ղարաբաղն ինքնին հանցագործություն է, ապա ի՞նչ էր փորձում լուծել միջազգային հանրությունը այդ բոլոր տարիների ընթացքում: Սա իրավական տրամաբանություն չէ: Սա քաղաքական պատմության հետադարձ քրեականացում է դատական ձևով:

7. ԻՐԱՎԱԿԱՆ ՀԻՄՔ. ՄԱԿ-ը Լեռնային Ղարաբաղի մասին երբեք ի՞նչ չի ասել

Նյութերգրը հետապնդել է ամբողջ միջազգային հանրության կողմից որպես այդպիսին ճանաչված հանցագործությունները՝ Հոլոքոստի կազմակերպումը, ագրեսիվ պատերազմները, զանգվածային մահապատիժները: Իրավական հիմքը համընդհանուր էր, հենց այդ պատճառով էլ դատարանը դարձավ ժամանակակից միջազգային իրավունքի անկյունաքարը:

Բաքվում դատավարությունները թիրախավորել են չճանաչված, բայց, ամենակարևորը, **երբեք անօրինական չհայտարարված հանրապետության** պաշտոնյաների գործողությունները: ՄԱԿ-ի Անվտանգության խորհուրդը երբեք չի ընդունել բանաձև, որը Լեռնային Ղարաբաղի Հանրապետությունը բնութագրում էր որպես անօրինական ռեժիմ: Սա ոչ թե վրիպում էր, այլ իրավական դիրքորոշում: Երբ ՄԱԿ-ը անհրաժեշտ է համարել դիմել այդպիսի քայլի, գործել է բացահայտ. 1983 թվականին Հյուսիսային Կիպրոսի թուրքական հանրապետությունը հայտարարվել է անօրինական՝ ՄԱԿ-ի Անվտանգության խորհրդի 541 բանաձևի համաձայն, և անդամ պետություններին կոչ է արվել չճանաչել այն: Նման գործողություններ երբեք չեն ձեռնարկվել Լեռնային Ղարաբաղի նկատմամբ:

Միջազգային հանրությունը ոչ թե պարզապես ձեռնպահ է մնացել Լեռնային Ղարաբաղն անօրինական հռչակելուց, այլև ակտիվորեն համագործակցել է Լեռնային Ղարաբաղի հետ՝ որպես քաղաքական միավորի: ՄԱԿ-ի Անվտանգության խորհուրդը ԵԱՀԿ-ին հանձնարարել է դառնալ հակամարտության միջնորդ: Սա հանգեցրել է Մինսկի խմբի ստեղծմանը հակամարտության կողմերի, այդ թվում՝ Լեռնային Ղարաբաղի հետ աշխատելու համար: Միացյալ Նահանգները մարդասիրական օգնություն է ցուցաբերել ուղիղ Լեռնային Ղարաբաղի կառավարությանը: ԵԱՀԿ Մինսկի խմբի համանախագահները՝ Միացյալ Նահանգների,

Ռուսաստանի և Ֆրանսիայի ներկայացուցիչները, տասնամյակներ շարունակ հանդիպել են Լեռնային Ղարաբաղի ղեկավարության հետ կարգավորման ուղիները քննարկելու համար:

Այս բոլոր փաստերը հանգեցնում են մեկ եզրակացության. միջազգային հանրությունը փաստացի ճանաչել է Լեռնային Ղարաբաղի Հանրապետությունը որպես քաղաքական միավոր, որը ներկայացնում է ինքնորոշման իրավունքն իրականացնող ժողովրդին: Երբ պետությունը հետադարձ ուժով քրեականացնում է այդ միավորի կառավարմանը մասնակցելը, դա ոչ թե օրենքի կիրառում է, այլ օրենքի տարածում դրա ստեղծումից առաջ կատարված իրադարձությունների վրա, որը խախտում է նաև միջազգային ներգրավվածության ամբողջ պատմությունը:

Այլ կերպ ասած՝ ամբաստանյալի աթոռին գտնվող մարդկանց մեղադրում են մի այնպիսի՝ մարմնում կառավարման գործառույթներ իրականացնելու համար, որը միջազգային իրավունքը երբեք անօրինական չի ճանաչել: Միջազգային պրակտիկայում նման հետապնդման իրավական նախադեպ գոյություն չունի:

Նյուրնբերգը ստեղծել է միջազգային արդարադատության նախադեպեր: Բաքուն այդ նախադեպերը խախտում է:

8. ՊԱՏՄԱԿԱՆ ՊԱՐԱԴՈՔՍ. Ի՞նչ պետք է պաշտպանելին Նյուրնբերգյան սկզբունքները

Նյուրնբերգյան սկզբունքները ստեղծվել են հենց նրա համար, որ պետությունները չկարողանան անպատիժ կերպով իրականացնել էթնիկ հալածանքներ և ժողովուրդների տեղահանություն: Այդ սկզբունքների կիրառումը Լեռնային Ղարաբաղում տեղի ունեցող իրադարձությունների նկատմամբ անխուսափելիորեն հարցեր է առաջացնում 2023 թվականի սեպտեմբերին ավելի քան 100,000 էթնիկ հայ քաղաքացիական անձանց հարկադիր արտաքսման վերաբերյալ:

Ցեղասպանության կանխարգելման Լեմկինի ինստիտուտը հրապարակայնորեն քննադատել է Ալիևի համեմատությունը՝ այն անվանելով անընդունելի:

Ավելին, 2023 թվականին Արդարադատության միջազգային դատարանը պաշտոնապես որոշել է, որ Ադրբեյջանը խախտել է էթնիկ հայերի նկատմամբ ռասայական խտրականության բոլոր ձևերի վերացման մասին կոնվենցիան: Երբ պետությունը, որի վարքագիծը ՄԱԿ-ի գլխավոր դատական մարմինը բնութագրել է որպես ռասայական խտրական, իր սեփական դատավարությունները համեմատում է Նյուրնբերգյան դատարանի՝ մի ինստիտուտի հետ, որը

ստեղծվել է հատուկ ռասիզմի և ցեղասպանության դեմ պայքարելու համար, ապա դա պարզապես անտեղի համեմատությունն է: Այստեղ խոսքը ճիշտ հակառակի մասին է:

Պարզ ասած՝ Իլհամ Ալիևը, որը հրապարակային կերպով համեմատում է հայ առաջնորդներին նացիստների հետ, ղեկավարում է մի պետություն, որն Արդարադատության միջազգային դատարանի կողմից պաշտոնապես մեղավոր է ճանաչվել ռասայական խտրականության համար, որի վերացման նպատակով ստեղծվել է Նյուրնբերգյան դատարանը: Սա միայն բարոյական պարադոքս է, սա մեղադրանքի հայելային արտացոլում է. այն մարդը, որը մեղադրում է ուրիշներին նացիստական դարաշրջանի հանցագործությունների մեջ, հենց ինքն է միջազգային իրավունքի ուժով ճանաչվել ռասայական խտրականության մեջ ներգրավված, ընդ որում՝ հենց այն մարդկանց նկատմամբ, որոնց առաջնորդներին դատում է:

Երբ պետության առաջնորդը, որի իշխանության օրոք տեղի է ունեցել էթնիկ բնակչության զանգվածային տեղահանություն, հիշատակում է Նյուրնբերգյան դատարանը, նա ինքնաբերաբար դիմում է իրավական մի գործիքի, որը ստեղծվել է հենց նման նախադեպերի դեմ:

ԵԶՐԱԿԱՑՈՒԹՅՈՒՆ

Նյուրնբերգյան դատավարությունը միջազգային իրավունքի կոթող է: Հենց այդ պատճառով էլ դրա հետ ցանկացած համեմատություն պետք է համապատասխանի դատավարության սահմանած չափանիշներին՝ թափանցիկություն, դատավորների միջազգային կազմ, պաշտպանության իրական իրավունք, անմեղության կանխավարկած և փաստաթղթավորված հանցագործություններ:

Ըստ այս բոլոր չափանիշների՝ Բաքվում ընթացող գործընթացները ոչ թե պարզապես չեն համապատասխանում Նյուրնբերգին, այլ դրա ճիշտ հակառակն են:

Արդարադատության միջազգային դատարանի կարծիքով հենց Ադրբեջանի քաղաքական ղեկավարությունն է համակարգված կերպով խախտել ռասայական խտրականության արգելքը: Նյուրնբերգը ստեղծվել է հենց այդպիսի խախտումների կրկնությունը թույլ չտալու համար: Երբ ՄԱԿ-ի գլխավոր դատական մարմնի կողմից ռասիզմի մեջ մեղավոր ճանաչված պետությունը հղում է անում Նյուրնբերգին, դա պարզապես պատմական վրիպակ է: Դա դրա վառ դրսևորումն է:

Պատմական համեմատությունները սուր գործիք են: Դրանք անզգույշ օգտագործողները հաճախ իրենք իրենց են վնասում:

Եվս մեկ, վերջին նկատառում: Ռուբեն Վարդանյանը՝ այն մարդը, որին Ալինը համեմատել է նացիստների հետ, վերականգնել է Շուշիի մզկիթը: Մուսուլմանական պաշտամունքի վայր: Իր սեփական և այն միջոցներով, որոնց հայթայթմանն անձամբ օգնել է: Իսկ հարցը, թե ինչ է կատարվում հայկական եկեղեցիների հետ Ադրբեջանի վերահսկողության տակ գտնվող տարածքում, մնում է բաց:

Ալինն ասել է. «Պատկերացրեք Նյուրնբերգը»: Մենք պատկերացրինք ու տեսանք, որ համեմատությունն անտեղի է: